

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

252 Республикада қоғозни тежаш ва ундан оқилона фойдаланишга доир қўшимча чора-тадбирлар тўғрисида

Вазирлар Маҳкамасининг «Ўзбекистон Республикасида қоғозни тежаш ва ундан оқилона фойдаланиш чора-тадбирлари тўғрисида» 1999 йил 7 июндаги 291-сон қарорида ва Ўзбекистон Республикаси Президентининг «Ахборот-коммуникация технологияларини янада ривожлантиришга оид қўшимча чора-тадбирлар тўғрисида» 2005 йил 8 июндаги ПҚ-117-сон қарорида белгиланган вазифаларни амалга оширишга доир амалий чора-тадбирлар кейинги йилларда қоғознинг ёзув, газета ва офсет турларидан янада оқилона фойдаланиш ва уларни тежашни таъминлади.

Қоғоз маҳсулотларини тендер асосида харид қилиш тизими ва сотиб олиш харажатларини камаййтириш такомиллашмоқда, қоғознинг, аввало ёзув ва нусха кўпайтириш учун ишлатиладиган турларини ҳисобга олиш ҳамда уларнинг сарфланиши устидан назорат кучайтирилди. Кейинги уч йилда давлат ва хўжалик бошқаруви органлари, шунингдек маҳаллий ижро этувчи ҳокимият органлари аппаратларида қоғоз сарфи йилига 10 фоиздан 40 фоизгача қисқарди.

Бошқарув тизимини такомиллаштириш, маҳаллий ва тармоқлараро вазифаларни тезкор ҳал этиш, шунингдек қоғоз сарфини қисқартириш мақсадида компьютер ва ахборот-коммуникация технологиялари, шу жумладан электрон ҳужжат айланиши, ахборот тизимлари изчил суръатларда жорий этилмоқда, давлат ва идоравий интерактив хизмат кўрсатиш турлари тармоғи ривожланмоқда. Компьютер техникаси билан жиҳозлаш даражаси давлат кўмиталарида — 61,0 фоизни, вазирликларда — 81,0, ҳокимликларда — 91,0 фоизни ташкил этади. Республика давлат ва хўжалик бошқаруви органларининг ярмида қоғоз сарфини анча камаййтириш имконини берган локал тармоқлар ва электрон ҳужжат айланиши тизими фаолият кўрсатмоқда.

Нашриёт-матбаа фаолияти, шунингдек оммавий ахборот воситалари соҳасида қоғознинг газета ва офсет турларини тежаш ва улардан оқилона фойдаланишга доир комплекс чора-тадбирлар қабул қилинди. Ўзбекистон матбуот ва ахборот агентлиги, «Шарқ» компанияси ва бошқа матбаа корхоналари томонидан ўз маблағлари ҳисобига модернизация қилиш ва босма маҳсулотларни ишлаб чиқаришнинг замонавий технологияларини жорий этиш таъминланмоқда. Китоб чиқариш ва даврий нашрларни чоп этишнинг барча

босқичларида қоғоз сарфини қатъий тартибга солиш ва технологик харажатларни қисқартириш имконини берган стандартлар комплекси ишлаб чиқилди ва жорий этилди.

Шу билан бирга, «Ўзбекнефтгаз» миллий холдинг компаниясида, «Ўзбек-енгилсаноат» давлат-акциядорлик компаниясида, «Ўзбекэнерго» давлат-акциядорлик компаниясида, «Ўзавтосаноат» акциядорлик компаниясида, Тошкент вилояти ва Тошкент шаҳар ҳокимликларида, шунингдек бошқарувнинг бошқа органларида ишларнинг аҳволини ўрганиш ёзув ва нусха кўпайтириш учун ишлатиладиган қоғозни сарфлашда зарур тартиб ўрнатиш, ушбу мақсадлар учун ажратилаётган бюджет маблағлари ва бюджетдан ташқари маблағларни мақбуллаштириш, ҳужжатлар айланишини қисқартириш, қоғоз маҳсулотларидан тежаб фойдаланишда ходимларга талабчанликни кучайтириш бўйича камчиликларни бартараф этиш зарурлигини кўрсатди.

Аниқланган камчиликларни бартараф этиш ҳамда республикада қоғоздан оқилона ва тежамкорлик билан фойдаланиш, ушбу мақсадларда ахборот-коммуникация технологияларини ва тизимларини жорий этиш самарадорлигини ошириш, шунингдек бошқарув ва ижро этувчи аппаратлар фаолиятини мақбуллаштириш бўйича қўшимча чора-тадбирлар амалга оширилиши учун давлат ва хўжалик бошқаруви органлари раҳбарларининг шахсий жавобгарлигини ошириш мақсадида Вазирлар Маҳкамаси **қарор қилади:**

1. Вазирликлар, идоралар, хўжалик бирлашмалари, Қорақалпоғистон Республикаси Вазирлар Кенгаши, вилоятлар, шаҳарлар ва туманлар ҳокимликлари раҳбарлари қоғозни тежаш ва ундан оқилона фойдаланиш режимини ҳамма жойда кучайтириш, ахборот-коммуникация технологияларидан самарали фойдаланиш, қоғозбозлик ва расмиятчиликни бартараф этиш, ортиқча ҳужжатлар айланишини янада қисқартириш, кўп сонли мажлислар ва йиғилишлар ўтказиш, асосланмаган ҳисобот ва ахборот-маълумотнома тарзидаги материалларни сўраш амалиётини кескин чеклаш юзасидан кўрилатган чора-тадбирларнинг натижадорлиги учун қатъий огоҳлантирилсинлар.

2. Республикада қоғозни тежаш ва ундан оқилона фойдаланишни таъминлаш бўйича қуйидаги асосий вазифаларни амалга оширишни назарда тутадиган қўшимча чора-тадбирлар комплекси (кейинги ўринларда Қўшимча чора-тадбирлар комплекси деб аталади) 1-иловага мувофиқ тасдиқлансин:

қоғоз маҳсулотларини харид қилиш, ҳисобга олиш бўйича назорат тизимини кучайтириш, Давлат бюджети харажатлари классификациясига қоғоз харид қилиш учун алоҳида моддани жорий этиш, 2010 — 2012 йилларда қоғоз сарфини камида 30 фоизга, ҳар йили — 10 фоиздан қисқартириш. Ҳазначилик ва унинг бўлинмалари томонидан ушбу мақсадлар учун маблағлардан фойдаланиш мақбуллаштирилиши устидан мунтазам равишда мониторингни амалга ошириш;

2011 йилда бошқарув органларининг маъмурий-бошқарув ходимларини компьютер техникаси билан таъминлашни яқунлашни назарда тутган ҳолда ахборот-коммуникация технологияларини янада ривожлантиришга доир қўшимча чора-тадбирлар комплексини ишлаб чиқиш, қоғоз ёзишмаларини,

энг аввало ички идоравий қоғоз ёзишмаларини тегишли равишда қисқартирган ҳолда электрон ҳужжат айланишини кенгайтириш параметрларини қайта кўриб чиқиш ва 2011 — 2015 йиллар учун янги мақсадли параметрларни белгилаш, локал ва корпоратив компьютер тармоқларини, шунингдек бошқа ахборот тизимларини жорий этиш;

бошқарув органлари ва ишлаб чиқариш корхоналари раҳбарлари ҳамда мутахассисларининг ахборот-коммуникация технологияларидан фойдаланиш борасидаги малакаси ва кўникмалари даражасини ошириш, уларни даврий аттестациядан ўтказишни жорий этиш;

нашриётларнинг мавзу режалари мониторингини олиб бориш ва таҳлил қилиш, долзарб аҳамиятга эга бўлмаган ижтимоий аҳамияти кам бўлган адабиётлар нашр этилишини бартараф этиш. Матбаа корхоналарини янада модернизация қилиш, нашриётлар ва босма оммавий ахборот воситалари фаолиятига замонавий илғор технологияларни жорий этиш, нашриёт-матбаа жараёнларини мақбуллаштириш бўйича тармоқ стандартларини ва бошқа норматив ҳужжатларни қайта кўриб чиқиш ҳамда ишлаб чиқиш, шу асосда қоғознинг газета, офсет ва бошқа турларидан янада тежаб фойдаланишни таъминлаш;

мактабларнинг айрим синфларида дарсликлар ва ўқув қўлланмалардан фойдаланиш муддатларини узайтиришни назарда тутган ҳолда уларни янгилаш ва нашр этиш даврийлигини мақбуллаштириш;

республиканинг маҳаллий қоғоз маҳсулотлари ишлаб чиқариш бўйича фаолият кўрсатаётган корхоналари ва ишлаб чиқаришларини модернизация қилиш, техник ва технологик жиҳатдан янгилашни давлат томонидан қўллаб-қувватлаш, уларда ресурслар ва энергияни тежаш технологияларини жорий этиш, маҳсулотлар ҳажмини кўпайтириш ва номенклатурасини кенгайтириш чора-тадбирларини ишлаб чиқиш ва амалга ошириш;

қоғоз маҳсулотлари ишлаб чиқаришнинг хомашё базасини янада ривожлантириш, иккиламчи қоғоз чиқиндиларини қайта ишлаш учун тўплаш, тайёрлаш ва етказиб бериш, шунингдек қайта ишлаш тизимини кучайтириш ва такомиллаштириш.

3. Республикада қоғозни тежаш ва ундан оқилона фойдаланишни таъминлашга доир қўшимча чора-тадбирлар комплексини амалга ошириш бўйича Республика комиссияси ва гуруҳларнинг таркиби 2-иловага* мувофиқ тасдиқлансин. Комиссия (А.Н. Арипов):

бир ҳафта муддатда — Комиссиянинг вазифалари, функциялари ва ваколатлари аниқ белгиланган Низомини ишлаб чиқсин ва тасдиқлаш учун киритсин;

ўн кун муддатда — тасдиқланган Қўшимча чора-тадбирлар комплекси ва ушбу қарор талаблари ўз вақтида ҳамда тўлиқ амалга оширилишини таъминлаш учун давлат ва хўжалик бошқаруви органлари раҳбарлари иштирокида Комиссиянинг ташкилий мажлисини ўтказсин;

йилнинг ҳар чорагида — Қўшимча чора-тадбирлар комплекси бўлимла-

* 2-илова берилмайди.

ри бажарилишининг бориши ва амалий натижалар тўғрисида Вазирлар Маҳкамасига ахборот берсин.

4. Вазирлар, давлат қўмиталари ва давлат бошқаруви бошқа органларининг раислари, хўжалик бирлашмалари раҳбарлари, Қорақалпоғистон Республикаси Вазирлар Кенгаши Раиси, вилоятлар, шаҳарлар ва туманлар ҳокимлари 10 кун муддатда ушбу қарор талаблари ва тасдиқланган Қўшимча чора-тадбирлар комплексини амалга ошириш бўйича амалий тадбирлар дастурини ишлаб чиқсинлар ва тасдиқласинлар.

5. Вазирлар Маҳкамасининг «Ўзбекистон Республикасида қоғозни тежаш ва ундан оқилона фойдаланиш чора-тадбирлари дастури тўғрисида» 1999 йил 7 июндаги 291-сон қарори ва Вазирлар Маҳкамасининг 1999 йил 15 июндаги 275-ф-сон фармойиши ўз кучини йўқотган деб ҳисоблансин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари А.Н. Арипов ва Б.А. Хўжаев, Ижро этувчи аппарат бошқарувчиси Д.О. Мусаев зиммасига юклансин.

Қарорнинг бажарилиши ва натижалари тўғрисида 2011 йил январь ойида ахборот берилсин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2010 йил 22 июль,
155-сон

**Республикада қозони тежашни ва ундан оқилона
фойдаланишни таъминлаш бўйича қўшимча чора-тадбирлар
КОМПЛЕКСИ**

Т/р	Чора-тадбирлар (тадбирлар)	Бажариш муддати	Масъул бажарувчилар	Амалга ошириш шакли	Қўтилаётган натижа
I бўлим. Давлат ва хўжалик бошқаруви органларида, маҳаллий ижро этувчи ҳокимият органларида қозони тежаш ва ундан оқилона фойдаланишни таъминлашга доир ташкилий чора-тадбирлар.					
1.1.	Қозони тежаш ва ундан оқилона фойдаланиш бўйича Республика комиссияси тўғрисидаги низомни ишлаб чиқиш, ушбу қарор билан тасдиқланган вазифаларни ва Қўшимча чора-тадбирлар комплексини амалга оширишни таъминлаш бўйича янгидан тузилаётган 4 та кичик гуруҳнинг функциялари ва вазифаларини белгилаш.	1 августга қадар	Республика комиссияси, Ўзбекистон матбуот ва ахборот агентлиги, Ўзбекистон алоқа ва ахборотлаштириш агентлиги, Иқтисодиёт вазирлиги, Молия вазирлиги, Адлия вазирлиги	Қозони тежаш ва ундан оқилона фойдаланиш бўйича Республика комиссияси тўғрисидаги низом.	Қозони тежаш ва ундан оқилона фойдаланиш бўйича Республика комиссияси ҳамда Вазирлар Маҳкамасининг қарорини ва Қўшимча чора-тадбирлар комплекси бажарилишини назорат қилиш ва мониторинг олиб бориш бўйича янгидан тузилаётган 4 та кичик гуруҳнинг функциялари, вазифалари ва ваколатларини белгилаш.
1.2.	Ушбу қарор талабларини тушунтириш ҳамда республиканинг 19 та вазирлик, идора, хўжалик бирлашмаси, ҳокимликлар ва газеталар таҳририятларида ишларнинг аҳволини таҳлилий ўрганиш материаллари бўйича тасдиқланган Қўшимча чора-тадбирлар комплекси тўлиқ ва ўз вақтида амалга оширилишини таъминлаш учун вазирликлар, идоралар, хўжалик бирлашмалари ва маҳаллий ижро этувчи ҳокимият органлари раҳбарлари иштирокида Республика комиссиясининг ташкилий мажлисини ўтказиш.	1 августга қадар	Республика комиссияси	Ташкилий чора-тадбирларни тасдиқлаш бўйича Республика комиссияси мажлиси протоколи.	Ушбу қарорда белгиланган вазифалар тўлиқ ва ўз вақтида амалга оширилишини таъминлаш.

Т/р	Чора-тадбирлар (тадбирлар)	Бажариш муддати	Масъул бажарувчилар	Амалга ошириш шакли	Қўтилаётган натижа
1.3.	<p>Қуйидагиларнинг:</p> <p>а) вазирликлар, давлат қўмиталари ва давлат бошқаруви бошқа органларининг;</p> <p>б) уюшмалар, компаниялар ва хўжалик бошқаруви бошқа органларининг ҳудудий бўлинмалари ва идоровий мансуб ташкилотларида;</p> <p>в) Қорақалпоғистон Республикаси Вазирлар Кенгаши, республика вилоятлари, шаҳарлари ва туманлари ҳокимликларида қўғозни ҳисобга олиш ва унинг сарфи ҳолатини танқидий таҳлил қилиш.</p>	<p>2010 йил III-IV чорак</p> <p>жадвал бўйича</p> <p>жадвал бўйича</p>	<p>Республика комиссияси</p> <p>Республика комиссиясининг 1-гурухи</p> <p>Республика комиссиясининг 1-гурухи</p> <p>Республика комиссиясининг 1-гурухи</p>	<p>Таҳлилий материалларни тайёрлаш, уларни Республика комиссияси муҳокамасига киритиш ва тегишли чора-тадбирлар кўриш.</p>	<p>Қўғозни ҳисобга олиш ва унинг сарфи тизимини такомиллаштириш, қўғоздан фойдаланишга нисбатан исрофгарчилик билан муносабатда бўлиш ҳолатлари бўйича шошилинч чоралар кўриш.</p>
1.4.	<p>Бошқарув аппаратларида, ноширлик ва матбаа фаолияти, оммавий ахборот воситалари соҳасида қўғоздан оқилона фойдаланиш бўйича хорижий тажрибани, шу жумладан хорижий молиявий ва иқтисодий институтларнинг тажрибасини ўрганиш.</p>	<p>2010 йил III-IV чорак</p>	<p>Республика комиссияси</p> <p>Республика комиссиясининг 1 ва 2-гурухлари</p>	<p>Ўрганиш якунлари бўйича таҳлилий маълумотномалар ва Республика комиссиясида кўриб чиқиш учун аниқ таклифлар тайёрлаш.</p>	<p>Бошқарув жараёнларида ва хўжалик фаолиятида қўғозни тежашни такомиллаштириш ва унинг замонавий усулларини жорий этиш.</p>
1.5.	<p>Коллегиал органлар, шунингдек давлат ва хўжалик бошқаруви органлари, маҳаллий ижро этувчи ҳокимият органлари тизимида ўтказиладиган йиғилишлар сонини, долзарблигини ва қун тартибини таҳлил қилиш.</p>	<p>2010 йил август</p>	<p>Республика комиссиясининг 1-гурухи,</p> <p>Вазирлар Маҳкамасининг АТД</p>	<p>Ўтказиладиган мажлислар ва йиғилишларни мақбуллаштириш, қўғоз сарфини қисқартириш бўйича таклифлар тайёрлаш.</p>	<p>Ўтказиладиган мажлислар ва йиғилишларни мақбуллаштириш, сарф-харажатларни, шу жумладан уларни тайёрлаш ва ўтказишга молиявий маблағлар ва қўғозни қисқартириш.</p>
1.6.	<p>Давлат бюджети харажатлари классификациясига «Қўғоз сотиб олиш харажатлари» алоҳида моддасини киритиш. 2010 — 2012 йилларда қўғоз сарфини камида 30 фоизга, ҳар йили — 10 фоиздан қисқартиришни назарда тутган ҳолда қўғоз сотиб олишга йўналтирилган маблағлардан фойдаланилиши устидан Ҳазначилик томонидан мунтазам мониторингни амалга ошириш.</p>	<p>2010 йил ва кейинги йиллар</p>	<p>Молия вазирлиги, вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари — бюджетдан маблағ олувчилар</p>	<p>Молия вазирлигининг буйруғи ва идоровий тадбирлар режалари.</p>	<p>Қўғоз сотиб олишга харажатларни, ортиқча қўғоз ҳужжатлар айланишини ва ҳисоботларни қисқартириш, бўшайдиган маблағларни ахборот-коммуникация технологияларни ривожлантиришга йўналтириш.</p>

Т/р	Чора-тадбирлар (тадбирлар)	Бажариш муддати	Масъул бажарувчилар	Амалга ошириш шакли	Қўтилаётган натижа
1.7.	Давлат ва хўжалик бошқаруви органларида, маҳаллий ижро этувчи ҳокимият органларида қоғоз сотиб олиш, ундан фойдаланиш, ҳисобдан чиқариш, қоғоз чиқиндиларини тўплаш ва мунтазам равишда макулатурага топширишнинг ҳолатини тизимли асосда текшириш.	жадвал бўйича доимо	Республика комиссиясининг 1-гуруҳи, Ҳисоб палатаси, Молия вазирлигининг Назорат-тафтиш бош бошқармаси	Текширишлар ва тафтишлар материалларини тегишли чора-тадбирлар кўриш учун Республика комиссиясига ва Молия вазирлигига киритиш.	Қоғоздан оқилона фойдаланишнинг ҳолати ва ушбу мақсадлар учун ажратиладиган молиявий маблағлар, шу жумладан бюджетдан ташқари маблағлар устидан мунтазам назорат қилиш.
II бўлим. Компьютер техникасидан самарали фойдаланиш, электрон ҳужжат айланиши тизими жорий этилишини такомиллаштириш ва ахборот-коммуникация технологияларини янада ривожлантириш.					
IIа. Компьютер техникасидан самарали фойдаланиш.					
2.1.	Давлат ва хўжалик бошқаруви органлари, маҳаллий ижро этувчи ҳокимият органларининг компьютер техникаси билан жиҳозланганлигини ва ундан фойдаланиш самарадорлигини таҳлил қилиш.	2010 йил III чорак	Республика комиссиясининг 2-гуруҳи, Ўзбекистон алоқа ва ахборотлаштириш агентлиги, вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Компьютер техникасидан фойдаланишнинг ҳолати тўғрисида таҳлилий маълумотнома ва унинг самарадорлигини ошириш тўғрисида таклифлар.	Компьютер техникасидан фойдаланиш самарадорлигини ошириш, молиявий маблағларни ва қоғоз сарфини қисқартириш, бошқарув аппарати фаолиятини такомиллаштириш.
2.2.	Ахборот-коммуникация технологияларидан фойдаланиш соҳасида раҳбарлар, мутахассисларнинг малакаси ва кўникмасини ошириш дастурини ишлаб чиқиш, шунингдек давлат ва хўжалик бошқаруви органларида, маҳаллий ижро этувчи ҳокимият органларида кадрларни компьютер саводхонлиги бўйича аттестациядан ўтказиш тизимини жорий этиш.	2010 йил август ҳар йили	Республика комиссиясининг 2-гуруҳи, Ўзбекистон алоқа ва ахборотлаштириш агентлиги, Олий ва ўрта махсус таълим вазирлиги	Дастур ва аттестациядан ўтказиш тизимини тасдиқлаш бўйича Вазирлар Маққамаси қарори.	Бошқарув органлари раҳбарлари ва мутахассисларининг бошқарув жараёнида, шу жумладан қоғоз сарфини қисқартириш мақсадида, компьютер техникасидан фойдаланиши бўйича уларнинг малакасини ошириш ва савиясини баҳолаш.
2.3.	Давлат ва хўжалик бошқаруви органлари, маҳаллий ижро этувчи ҳокимият органларининг маъмурий-бошқарув ходимларини компьютер техникаси билан таъминлаш, локал ва корпоратив компьютер тармоқларини яратиш, зарур ускуналари билан жиҳозлаш юзасидан таклифлар тайёрлаш ва жиҳозлашни яқунлаш.	2010 йил III чораги — ишлаб чиқиш 2011 йил ва кейинги йиллар — амалга ошириш	Республика комиссиясининг 2-гуруҳи, вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Чора-тадбирлар режасини тасдиқлаш бўйича Республика комиссиясининг қарори.	Маъмурий-бошқарув ходимлари компьютер техникаси ва электрон ҳужжатлар айланиши тизими имкониятларидан тўлиқ фойдаланиши учун шарт-шароитлар яратиш.

Т/р	Чора-тадбирлар (тадбирлар)	Бажариш мuddати	Масъул бажарувчилар	Амалга ошириш шакли	Қутилаётган натижа
2.4.	<p>Давлат ва хўжалик бошқаруви органлари, маҳаллий ижро этувчи ҳокимият органлари раҳбарлари ва мутахассислари учун компьютер техникасидан самарали фойдаланиш бўйича методик қўлланма ишлаб чиқиш. Бунда қуйидагиларни назарда тутиш:</p> <ul style="list-style-type: none"> шахсий компьютерлардан, локал ва корпоратив тармоқлардан фойдаланиш; функционал ва тармоқ вазифаларини амалга ошириш бўйича маълумотларнинг йиғма базасини шакллантириш; ички ва идоралараро тармоқларда ахборот айирбошлаш; компьютер техникасидан ва Интернет тармоғидан фойдаланишда ахборот хавфсизлигини таъминлаш. 	2010 йил III чорак	Республика комиссиясининг 2-гуруҳи Ўзбекистон алоқа ва ахборотлаштириш агентлиги	Методик қўлланмаларни тасдиқлаш бўйича Республика комиссиясининг қарори.	Ишларнинг ҳолати тизимли таҳлил қилинишини таъминлаш, тармоқ вазифаларини тезкор ҳал этиш ҳамда республика иқтисодиёти соҳалари, тармоқлари ва ҳудудларини ривожлантиришни прогнозлаштириш бўйича давлат ва хўжалик бошқаруви органлари, маҳаллий ижро этувчи ҳокимият органлари иши самарадорлиги ва натижадорлигини ошириш.
III б. бўлим. Электрон ҳужжат айланишини жорий этишни такомиллаштириш.					
2.5	Электрон ҳужжат айланиши жорий этилишининг ҳолатини ва ундан фойдаланиш самарадорлигини танқидий таҳлил қилиш ҳамда ички идоравий ёзишмаларни кескин қисқартириш бўйича аниқ чора-тадбирлар ишлаб чиқиш.	2010 йил IV чорак	Республика комиссиясининг 2-гуруҳи Ўзбекистон алоқа ва ахборотлаштириш агентлиги, вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Ички идоравий ёзишмаларни қисқартириш бўйича маълумотнома ва чора-тадбирларни тасдиқлаш.	Электрон ҳужжатлар айланиши тизимларидан фойдаланишдаги мавжуд камчиликларни бартараф этиш ва унинг самарадорлигини ошириш.
2.6.	Вазирлар Маҳкамаси билан давлат ва хўжалик бошқаруви органлари, маҳаллий ижро этувчи ҳокимият органлари ўртасида «Е-Хаб» ҳимояланган ягона корпоратив электрон почтани ва «Е-Нўјат» тизимини жорий этиш ва улардан белгиланган тартибда фойдаланиш.	2011 йил I чорак	Республика комиссиясининг 2-гуруҳи, Вазирлар Маҳкамаси, вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Тадбирларни тасдиқлаш бўйича Вазирлар Маҳкамасининг қарори.	Электрон шаклда хат-хабарлар, норматив-ҳуқуқий ҳужжатларнинг ҳимояланган тарзда жўнатилишини таъминлаш, ҳужжатларни жўнатишда қоғоз сарфини қисқартириш.

Т/р	Чора-тадбирлар (тадбирлар)	Бажариш муддати	Масъул бажарувчилар	Амалга ошириш шакли	Кутилаётган натижа
2.7.	Электрон ҳужжат айланиши тизимларига ва электрон ҳужжатларни идораларо айирбошлаш стандартига қўйиладиган намунавий талабларни ишлаб чиқиш.	2011 йил I чорак	Компьютерлаштириш ва ахборот-коммуникация технологияларини ривожлантириш бўйича Мувофиқлаштирувчи кенгаш, Ўзбекистон алоқа ва ахборотлаштириш агентлиги, «Ўзархив», «Ўзстандарт» агентлиги	Низомни тасдиқлаш, Давлат стандарти.	Жорий этиладиган электрон ҳужжат айланиши тизимларининг ўзаро ҳамкорлигини таъминлаш учун уларнинг кейинчалик интеграциялашуви ҳисобга олинган ҳолда ягона талабларни яратиш.
Пв. Ахборот-коммуникация технологияларини ривожлантириш.					
2.8.	Ахборот-коммуникация технологияларини жорий этиш ва улардан фойдаланиш самарадорлигини танқидий таҳлил қилиш: а) ахборот тизимлари; б) давлат ахборот ресурслари; в) интерактив хизматлар кўрсатиш; г) корпоратив электрон почтада.	2010 йил IV чорак — 2011 йил I чорак	Республика комиссиясининг 2-гурухи, Ўзбекистон алоқа ва ахборотлаштириш агентлиги, вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Таҳлилий маълумотнома ва ахборот-коммуникация технологияларидан фойдаланиш самарадорлигини оширишга доир таклифлар.	Ахборот-коммуникация технологияларини янада ривожлантиришни ва уларни жорий этиш самарадорлигини оширишни таъминлаш.
2.9.	Ахборот тизимларини жорий этиш учун давлат ва хўжалик бошқаруви органлари, маҳаллий ижро этувчи ҳокимият органларини локал ва корпоратив компьютер тармоқлари яратиш, зарур компьютер техникаси ва сервер ускуналари билан жиҳозлаш бўйича таклифлар ишлаб чиқиш ва уни молиялаштиришни ташкил этиш.	2010- 2011 йиллар	Республика комиссиясининг 2-гурухи, Ўзбекистон алоқа ва ахборотлаштириш агентлиги, Молия вазирлиги, Иқтисодиёт вазирлиги, вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Республика комиссиясида кўриб чиқиш учун таклифлар.	Электрон ҳужжат айланиши тизимини такомиллаштириш учун зарур платформа яратиш. Маълумотлар айирбошлашнинг юқори тезликдаги ҳимояланган инфратузилмасини яратиш.
2.10.	Бошқарув жараёнларини такомиллаштириш ва мақбуллаштириш учун Корпоратив ахборот тизимларини яратиш чора-тадбирлари дастурини ишлаб чиқиш.	2010 йил декабрь — ишлаб чиқиш 2011 —	Республика комиссиясининг 2-гурухи Ўзбекистон алоқа ва ахборотлаштириш агентлиги, вазирликлар ва	Чора-тадбирлар дастурини тасдиқлаш бўйича Вазирлар Маҳкамаси қарори.	Бошқарув жараёнларини қоғозсиз амалга оширишга бошқичма-бошқич ўтиш учун ахборот тизимларини яратиш.

Т/р	Чора-тадбирлар (тадбирлар)	Бажариш мuddати	Масъул бажарувчилар	Амалга ошириш шакли	Қўтилаётган натижа
		2016 йиллар — амалга ошириш	идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари		
2.11.	Расмий веб-сайтлар орқали интерактив давлат хизматлари кўрсатишга доир талабларни ишлаб чиқиш.	2010 йил III чорак	Республика комиссиясининг 2-гурuҳи, Ўзбекистон алоқа ва ахборотлаштириш агентлиги	Компьютерлаштириш ва ахборот-коммуникация технологияларини ривожлантириш бўйича Мувофиқлаштирувчи кенгаш томонидан тасдиқланадиган норматив ҳужжат.	Интерактив давлат хизматлари ёрдамида расмий веб-сайтлар орқали мурожаатларни қабул қилиш ва уларга жавоб бериш учун шарт-шароитлар яратиш.
2.12.	2011 — 2015 йилларда телекоммуникациялар тармоқларини, маълумотлар узатишни ва ахборот-коммуникация технологияларини қўллашни ривожлантиришнинг янги мақсадли параметрларини қайта кўриб чиқиш ва белгилаш.	2010 йил III чорак	Республика комиссиясининг 2-гурuҳи, Ўзбекистон алоқа ва ахборотлаштириш агентлиги	Ўзбекистон Республикаси Президентининг қарори лойиҳаси.	Компьютерлаштириш ва ахборот-коммуникация технологияларини ривожлантириш даражасини ошириш.
III бўлим. Республика нашриётлари, оммавий ахборот воситалари таҳририятлари ва матбаа корхоналарида газета ва офсет қоғозидан оқилона фойдаланиш, замонавий технологияларни жорий этиш.					
3.1.	Мулкчилик шаклларида қатъи назар резидентлар ва/ёки норезидентлар томонидан етказиб берилётган қоғознинг газета ва офсет турларини олиб киришнинг республикада амалда бўлган тартибини танқидий таҳлил қилиш, қоғозни олиб кириш, харид қилишни тартибга солиш, ҳисобга олиш ва сарфлаш, нарх-наво тизимини мақбуллаштириш бўйича таклифлар тайёрлаш.	2010 йил 1 сентябрга қадар	Республика комиссиясининг 3-гурuҳи, Ўзбекистон матбуот ва ахборот агентлиги, «Шарқ» нашриёт-матбаа акциядорлик компанияси, Давлат божхона қўмитаси, Молия вазирлиги	Республика комиссиясида кўриб чиқиш учун аниқ таклифлар билан биргаликда таҳлилий маълумотнома тайёрлаш.	Қоғоз олиб кириш ва харид қилишни тартибга солиш ва мақбуллаштириш, қоғознинг газета ва офсет турларини ҳисобга олиш ва сарфлаш тизимини такомиллаштириш.
3.2.	Нашриёт-матбаа жараёнини мақбуллаштириш мақсадида тармоқ стандартларини ва бошқа норматив ҳужжатларни қайта кўриб чиқиш ҳамда ишлаб чиқиш.	2010 йил III чорак	Ўзбекистон матбуот ва ахборот агентлиги, «Шарқ» нашриёт-матбаа акциядорлик компанияси, «Ўзстандарт» агентлиги	Тармоқ стандартлари ва норматив ҳужжатларни ишлаб чиқиш.	Ноширлик ва матбаа ишлаб чиқариши жараёнида чиқиндиларни қисқартириш, тежаш режимини мустаҳкамлаш, халқ истеъмол товарлари ишлаб чиқариш ҳажминини кўпайтириш.

Т/р	Чора-тадбирлар (тадбирлар)	Бажариш мuddати	Масъул бажарувчилар	Амалга ошириш шакли	Қутилаётган натижа
3.3.	Ўзбекистон матбуот ва ахборот агентлиги тизимига кирадиган корхоналарда ва «Шарқ» нашриёт-матбаа акциядорлик компаниясида, шунингдек газеталар, журналлар тахририятларида, республика матбаа корхоналарида қоғознинг газета ва офсет турларини тежашнинг ҳолатини танқидий ўрганиш ва чора-тадбирлар ишлаб чиқиш.	2010 йил июль — сентябрь	Республика комиссиясининг 3-гурухи, Ўзбекистон матбуот ва ахборот агентлиги, «Шарқ» нашриёт-матбаа акциядорлик компанияси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Қоғознинг газета ва офсет турларини тежашнинг ҳолати ва чора-тадбирлар тўғрисида таҳлилий маълумотнома.	Мулкчилик шаклиларидан қатъи назар республика корхоналари ва муассасаларида қоғознинг газета ва офсет турларини тежаш режимини мустақкамлаш.
3.4.	Мулкчилик шаклиларидан қатъи назар нашриётларнинг мавзу режаларини кўриб чиқиш ва таҳлил қилиш, ижтимоий кам аҳамиятли, такрорланадиган ёки мавзуси бир хил бўлган адабиётлар нашр этишни бартараф қилиш бўйича Мувофиқлаштирувчи кенгаш ташкил этиш.	2010 йил август	Республика комиссияси, Ўзбекистон матбуот ва ахборот агентлиги, «Шарқ» нашриёт-матбаа акциядорлик компанияси	Вазирлар Маққамасининг Мувофиқлаштирувчи кенгаши таркибини ва Кенгаш тўғрисидаги низомни тасдиқлаш бўйича қарори.	Босиб чиқарилаётган босма нашрлар сифатини ошириш, бозорнинг эҳтиёжини ҳисобга олган ҳолда ҳажмлар ва тиражларни белгилаш, қоғознинг газета ва офсет турларини тежаб сарфлаш.
3.5.	Нашриётлар ва матбаа корхоналари омборларидаги тайёр маҳсулотлар қолдигини ўрганиш ва қолдиқларни қисқартиришга доир чора-тадбирларни ишлаб чиқиш, босма маҳсулотларни тарқатиш тармоқларида тизимли мониторингни ташкил этиш.	2010 йил июль — сентябрь	Республика комиссиясининг 3-гурухи, Ўзбекистон матбуот ва ахборот агентлиги, «Шарқ» нашриёт-матбаа акциядорлик компанияси, нашриётлар, матбаа корхоналари	Тайёр босма маҳсулотлар қолдиги ва уларни қисқартириш чоралари тўғрисида таҳлилий маълумотнома. Республика комиссиясининг қарори.	Нашриётлар ва матбаа корхоналари омборларидаги тайёр босма маҳсулотлар қолдигини қисқартириш.
3.6.	Сотиш учун шартномалар мавжудлигини, босма нашрларнинг савдодан қайтган қолдиқлари ҳажмини, моддий ва молиявий харажатларни таҳлил қилишни назарда тутган ҳолда республиканинг вилоят марказлари, шаҳарлари ва туманларида жойлашган китоб савдоси ташкилотлари фаолияти самарадорлигини ўрганиш.	2010 йил 1 сентябрга қадар	Республика комиссиясининг 2-гурухи, Ўзбекистон матбуот ва ахборот агентлиги, «Ўзбекистон почтаси» ОАЖ, «Матбуот тарқатувчи» АЖ, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Аниқ таклифлар билан биргаликда таҳлилий маълумотнома тайёрлаш. Республика комиссиясининг қарори.	Босма оммавий ахборот воситалари ва китоб савдоси ташкилотларининг моддий ва молиявий харажатларини, фаолияти самарадорлигини баҳолаш.

Т/р	Чора-тадбирлар (тадбирлар)	Бажариш муддати	Масъул бажарувчилар	Амалга ошириш шакли	Қутилаётган натижа
3.7.	Таълим муассасалари учун дарсликлар ва ўқув қўлланмаларини янгилаш ва нашр этиш даврийлиги юзасидан таклифлар тайёрлаш.	жадвал бўйича, ҳар йили	Давлат комиссияси, Халқ таълими вазирлиги, Олий ва ўрта махсус таълим вазирлиги, Ўрта махсус, касб-хунар таълими маркази	Дарсликлар ва қўлланмалар тайёрлаш ва нашр этиш бўйича Давлат комиссиясининг қарори.	Дарсликлар ва ўқув қўлланмаларини янгилаш ва нашр этиш даврийлигини мақбуллаштириш, улардан фойдаланиш муддатларини узайтириш.
3.8.	Оммавий ахборот воситалари нашрларини тарқатишни тартибга солиш тўғрисида таклифлар ишлаб чиқиш.	2010 йил октябрь	Республика комиссиясининг 3-гурухи, Ўзбекистон матбуот ва ахборот агентлиги, «Ўзбекистон почтаси» ОАЖ, «Матбуот тарқатувчи» АК, Адлия вазирлиги	Норматив-ҳуқуқий ҳужжат лойиҳасини тайёрлаш.	Даврий нашрларни нашр этиш ва тарқатишнинг ноқонуний шаклларини бартараф этиш.
3.9.	Наشريёт-матбаа фаолияти корхоналарининг техник жиҳатдан жиҳозланганлигини ўрганиш ҳамда уларни янада модернизация қилиш ва босма маҳсулотлар ишлаб чиқаришда ресурсларни тежайдиган технологияларни жорий этиш бўйича таклифлар тайёрлаш.	2010 йил III чорак	Республика комиссиясининг 3-гурухи, Ўзбекистон матбуот ва ахборот агентлиги, «Шарқ» нашриёт-матбаа акциядорлик компанияси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, Иқтисодиёт вазирлиги	Таҳлилий маълумотнома ва Нашриёт-матбаа фаолияти корхоналарини янада модернизация қилиш дастурини тайёрлаш.	Наشريёт-матбаа корхоналарининг техник жиҳатдан жиҳозланганлигини баҳолаш ва уларни босқичма-босқич модернизация қилиш.
IV бўлим. Қоғоз маҳсулотлари ишлаб чиқарадиган маҳаллий корхоналарни модернизация қилиш ва технологик жиҳатдан янгилаш.					
4.1.	Мулкчилик шаклларида қатъи назар республикада ишлаб турган қоғоз маҳсулотлари ишлаб чиқарувчи корхоналар фаолиятини ўрганиш, бунда уларнинг моддий-техника базасини, қувватлардан фойдаланишини, чиқарилаётган маҳсулотлар ҳажми ва номенклатурасини, шунингдек молиявий-иқтисодий аҳволини ҳар томонлама таҳлил қилиш.	2010 йил 1 сентябргача	Республика комиссиясининг 4-гурухи, Иқтисодиёт вазирлиги, Давлат статистика қўмитаси, Давлат мулки қўмитаси, Монополиядан чиқариш ва рақобатни ривожлантириш давлат қўмитаси,	Таҳлилий маълумотнома ҳамда қоғоз маҳсулотлари ишлаб чиқарувчи корхоналар паспортлари	Қоғоз маҳсулотлари ишлаб чиқарувчи корхоналарнинг жорий ҳолатини ва уларни ривожлантириш истиқболларини баҳолаш.

Т/р	Чора-тадбирлар (тадбирлар)	Бажариш муддати	Масъул бажарувчилар	Амалга ошириш шакли	Қутилаётган натижа
			Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари		
4.2.	Қоғоз маҳсулотлари ишлаб чиқариш ҳажмини янада кўпайтириш ва номенклатурасини кенгайтириш мақсадида корхоналарни модернизация қилишни, техник ва технологик жиҳатдан жиҳозлашни таъминлаш учун Корхоналарни давлат томонидан қўллаб-қувватлаш чора-тадбирлари дастурини тайёрлаш.	2010 йил 15 сентябрь	Республика комиссиясининг 4-гурухи, Иқтисодиёт вазирлиги, Молия вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Ўзбекистон Республикаси Президентининг Мамлакатимизда қоғоз маҳсулотлари ишлаб чиқаришни янада ривожлантириш чора-тадбирлари дастурини тасдиқлаш бўйича қарори.	Корхоналарни янада ривожлантириш, мамлакатимизда қоғоз маҳсулотлари ишлаб чиқариш ҳажмини кўпайтириш ва номенклатурасини кенгайтириш.
4.3.	Ишлаб чиқариш қувватларини модернизация қилиш ва технологик жиҳатдан қайта жиҳозлаш ҳисобига «Тошкент қоғози» МЧЖ, «Саноатқалинқоғозсавдо» ОАЖ ва «Ўзрубериод» МЧЖни иш ҳажми билан таъминлаш тадбирлари режасини ишлаб чиқиш.	2010 йил 15 сентябрь	Иқтисодиёт вазирлиги, «Ўзмиллийбанк», Тошкент шаҳри ва Тошкент ва Наманган вилояти ҳокимликлари	Тадбирлар режаси	Корхоналарни модернизация қилиш ва уларнинг ишлаб чиқариш қувватларидан фойдаланиш даражасини ошириш, чиқарилаётган маҳсулотлар ҳажмини кўпайтириш ва номенклатурасини кенгайтириш, корхоналарнинг молиявий-иқтисодий аҳволини мустаҳкамлаш.
4.4.	Қуйидагилар бўйича таклифларни ишлаб чиқиш ва Вазирлар Маҳкамасига киритиш: республиканинг ёзув қоғозига бўлган эҳтиёжини қондириш учун «Наманган қоғози» МЧЖда ўрамда ёзув қоғози ишлаб чиқаришни тўлиқ йўлга қўйиш, кейинчалик уни қирқиш ва ўрашни ташкил этиш; «Тошкент қоғози» МЧЖда қоғоз маҳсулотлари ишлаб чиқаришни тиклаш	2010 йил 15 сентябрь	«Ўзмиллийбанк», Ташқи иқтисодий алоқалар, инвестициялар ва савдо вазирлиги, Иқтисодиёт вазирлиги, Наманган, Тошкент вилоятлари ва Тошкент шаҳри ҳокимликлари	Қоғоз маҳсулотлари ишлаб чиқаришни тиклаш ва кенгайтириш бўйича таклифлар.	Корхоналарнинг мавжуд ишлаб чиқариш қувватларини ишга тушириш, қоғоз ишлаб чиқаришни тиклаш.
4.5.	Қоғоз маҳсулотлари ишлаб чиқарувчи корхоналарни модернизация қилиш ва техник жиҳатдан қайта жиҳозлаш учун тижорат банклари томонидан имтиёзли кредитлар ажратилиши бўйича таклифлар ишлаб чиқиш ва киритиш.	2010 йил 15 сентябрь	Марказий банк, тижорат банклари	Банклар кредит қўмиталари қарорлари.	Қоғоз ишлаб чиқариш тармоғи корхоналарининг молиявий аҳволини мустаҳкамлаш.

Т/р	Чора-тадбирлар (тадбирлар)	Бажариш мuddати	Масъул бажарувчилар	Амалга ошириш шакли	Қутилаётган натижа
4.6.	Импорт қилинадиган қоғоз хомашёси ва қоғоз маҳсулотлари учун бож тўловлари ставкаларини мақбуллаштириш, шунингдек линтер ва ёғоч целлюлозасидан қоғоз ишлаб чиқарувчи корхоналарга солиқ ва божхона имтиёзлари ва преференциялар бериш юзасидан таклифлар тайёрлаш.	2010 йил 15 сентябрь	Иқтисодиёт вазирлиги, Молия вазирлиги, Давлат божхона қўмитаси, Давлат солиқ қўмитаси	Ўзбекистон Республикаси Президентининг қарори.	Бож тўловлари ставкаларини мақбуллаштириш ва мамлакатимизнинг қоғоз маҳсулотлари ишлаб чиқарувчи корхоналарини қўллаб-қувватлаш.
4.7.	Қоғоз-картон, шу жумладан пахта толаси ва хомашёнинг ноанъанавий турлари (сунъий тола материаллари, сомон, яримлагта массаси ва бошқалар)дан қоғоз-картон маҳсулотлари ишлаб чиқаришни ташкил этиш имкониятларини ўрганиб чиқиш ва Вазирлар Маҳкамасига таклифлар киритиш.	2010 йил 15 сентябрь	Республика комиссиясининг 4-гурухи, Иқтисодиёт вазирлиги, Қишлоқ ва сув хўжалиги вазирлиги, Фанлар академияси	Инновация ҳамда илмий-тадқиқот ва тажриба-конструкторлик ишлари лойиҳаларини ишлаб чиқиш	Қоғоз маҳсулотлари ишлаб чиқаришни ташкил этиш учун хомашё базасини кенгайтириш.
4.8.	Келгусида қоғоз маҳсулоти ишлаб чиқариш хомашёси базасини ривожлантиришни назарда тутган ҳолда Вазирлар Маҳкамасининг «Иккиламчи қоғоз чиқиндиларини тўплаш, тайёрлаш ва қайта ишлаш учун етказиб бериш тизимини тартибга солиш чора-тадбирлари тўғрисида» 2009 йил 16 мартдаги 70-сон қарори талаблари бажарилишини танқидий таҳлил қилиш ва унга қўшимчалар киритиш.	Алоҳида жадвал бўйича	Қоғоз чиқиндиларини тўплаш, тайёрлаш ва қайта ишлаш учун етказиб бериш масалалари бўйича Республика комиссияси, вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Иккиламчи қоғоз чиқиндиларини тўплаш, тайёрлаш ва қайта ишлаш учун етказиб бериш тизимини такомиллаштириш юзасидан аниқ таклифлар билан таҳлилий маълумотнома тайёрлаш.	Иккиламчи қоғоз чиқиндиларини тўплаш, тайёрлаш ва қайта ишлаш учун етказиб бериш тизимини такомиллаштириш.
4.9.	Ишлатилган қоғоз чиқиндиларини макулатурага топшириш бўйича аниқлаштирилган прогноз топшириқларни танқидий қайта кўриб чиқиш ва тасдиқлаш.	тасдиқланган	Қоғоз чиқиндиларини тўплаш, тайёрлаш ва қайта ишлаш учун етказиб бериш масалалари бўйича Республика комиссияси, вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	Ишлатилган қоғоз чиқиндиларини макулатурага топшириш бўйича аниқлаштирилган прогноз топшириқларни тасдиқлаш.	Қоғоз маҳсулотлари ишлаб чиқариш учун ресурс базасини кўпайтириш.

Т/р	Чора-тадбирлар (тадбирлар)	Бажариш мўддати	Масъул бажарувчилар	Амалга ошириш шакли	Қутилаётган натижа
4.10.	Қоғоз чиқиндиларини тўплашдан бошлаб, уни қайта ишлаш ва иккиламчи хомашёдан тайёр маҳсулот ишлаб чиқаришгача бўлган технологик жараённинг амалдаги механизми самарадорлигини таҳлил қилиш ва уни такомиллаштириш юзасидан таклифлар киритиш.	2010 йил 15 сентябрь	Қоғоз чиқиндиларини тўплаш, тайёрлаш ва қайта ишлаш учун етказиб бериш масалалари бўйича Республика комиссияси, Иқтисодиёт вазирлиги, Ўзбекистон алоқа ва ахборотлаштириш агентлиги	Қоғоз чиқиндиларини тўплаш ва тайёрлаш бўйича амалдаги Низомга ўзгартириш ва қўшимчалар киритиш. Таклифларни Ўзбекистон Республикаси Президенти қарорига киритиш — 4.2-банд.	Қоғоз чиқиндиларини тўплаш, тайёрлаш ва қайта ишлаш механизмини такомиллаштириш, иккиламчи хомашёдан қоғоз маҳсулотлари ишлаб чиқариш ҳажмини кўпайтириш.